



Universitätsbibliothek Paderborn

Exemplorvm Libri Tres

Liber Tertivs, Sive Exempla Divinae Irae, Per Opera Poenitentiae, Nobis
Leniendae - Per Qvadragesimam Anno M. DC. XLVIII. narrata

Stengel, Georg

Ingolstadii, 1650

§. 7. Icilini immanitates.

[urn:nbn:de:hbz:466:1-48194](#)

VII.

ICILINI IMPERIUM
MANITATES.

Carol. Sigon.
lib. 18. de regno Italie, &
lib. 19.

Sed quamvis tu sanctus sis, vide ne alienorum scelerum te participem efficias. Vel enim consentis, vel consulis, vel juuas, vel approbas, in quo alter delinquit, & iam iustum Deo Iudici caussam offers tui plectendi. Quod & Alberico contigit, Icilino fratri suo sceleratissimo adhaerenti; in quo, si cetera illi crimina defuissent, solo mille mortes meruisset. Audite, obsecro, qualis fuerit Icilinus. Is primò ultro se Verona dominum appellauit, atq; ibi & Patauij primoribus ciuitatis per varias caussas interimendis intentus, eas ciuitates in tantam salutis propria desperationem adduxit, ut plerique, ne illius criminations iniquo iudicio publicè interirent, ultro sibi mortem consiscerent. Postea Icilinus Veronam reuersus, eò importunitus questiones proditionis exercuit, atq; omnes qui Verona, & Patauij aliquid aduersus se vel dixisse, vel fecisse dicebantur, publica ac foeda morte affecit, quos innumerabiles fuisse accepimus. Tertiò, quin & Patauij inauditæ crudelitatis suæ habebas ita laxauit, ut nullum diem præterire pateretur, quo non in aliquem vel insontem nouo aliquo necis genere tormentiuæ debacecharetur. Quartò, Icilino bello Manuanu parum prospere facto, Veronam se referenti priuatus homo se obrulit, atque, audientibus omnibus, Patavinum amissum renuntianit. Quo ille nuntio exanimatus, ut se collegit; ipsum nuntium mendacijs arguens suspendi arbori iusserit; deinde alter successit, qui secreto illud idem significauit: tum Praefecti quidam eius venerunt, quib; idem, culpam omnem in Ansediuum referentes, asseruerunt. Ille vero occulto dolore disimulato, Veronam adiit, ac roto accito in urbem exercitus, portas claudi, ac summa cura custodiri mandauit. Mox conceptam iram omnem in Patavinios euomere cupiens, omnes Patavinios inermes in locum unum coegerit (hi erant XI. hominum milia, quos apud se aut obsidum, aut militum, aut ministrorum nomine habebat) atq; omnes satellitibus suis, varijs necis afficiendos generibus, tradidit. Ita intra octo dies cuncti aut suspendio, aut igne, aut obruncatione, aut fame deleti. Quintò, Verona quoque triginta octo Patavinios, qui superstites erant, morte affici in foro pracepit, quorum nemo erat, qui non et aliquam aliquando operam fortis fidelemq; nauasset. Sextò, hereticus fuit, qui non solùm libertati populi, sed ipsi Ecclesiæ insidiabatur. Ob qua scelera, cum captus ærumnam suam lugeret, Deum suorum scelerum vindicem adesse confessus, sine paenitentia huma omnium.

omnium sceleratissimus, ac Deo hominibusq; innatus, annos LXV natus
decebat. Atque hoc pacto in illo & fratre eius Alberico, filijsque
eius miserrimè deartuatis extincta est tota familia à Romano.

His intellectis, quid jam iudicatis, Auditores? an his fratribus iniuria facta est? An non hi tyraanni hæc, & maiora meruerunt supplicia? An non ipsi quodammodo Deum docuerunt perniciendi severitatem? Si enim homines tam grauiter sanguinent in se inuicem; & quidem in innocentes, an non & supremus ille judex in tam nocentes debet irasci? Quod ipse commonuit dicens: In quo iudicio iudicaberitis, iudicabimini: & in qua mensura mensi fueritis, remeteretur vobis. Neque turbare quemquam debet, quod filii sex Alberici, itemque vxor & filia duæ, que innocentēs videbantur, vna cum facinoroso patre, tam immitti exemplo permisæ sint cruciari & contrucidari. Nam in primis etiam victores in ea cæde atque vindicta excedere, & grauiter peccare potuerunt; neque tenetur Deus peccata hominum, contra communem cursum naturæ, impedire, ne iisdem adimat agendi, hoc est, penas aut præmia promerendi libertatem. Sufficit si vnicuique dat gratiam sufficientem, qua, si velit, possit penas æternas vitare, atque præmia promereri. Deinde quis scit, an fuerint innocentēs? quam enim difficile est uxorem marito, & filios parenti non consentire, aut facta illius non approbare, potentiam non optare, & quocumque tandem modo promouere? Et esto aliqui (ut sæpe fit) fuerint innocentēs ac talibus malis per se non digni, tamen sine iniuria à Numine illata, propter coniunctionem vita & habitacionis, communī malo inuoluebantur. Sicut enim in corpore naturali membrum quodlibet est particeps commodorum & incommodorum ipsius corporis; ita in corpore politico quodlibet membrum, etiamsi causam cum alijs non dedederit, communis prosperitatis & calamitatis est consors. Negat aliter iuxta ordinariam rerum legem fieri potest ob commemorationem institorum cum inquis, quibus sunt permixti, & in quorum medio degunt. Itaque respectu talium, illa afflictio non tam est pena, quam corum peccata vindicantur, quam exercitatio virtutis & patientia ad maiorem gloriam.

Nemo tamen facile in animū inducat, se tales afflictionem non esse commeritum; hoc enim est quod Dominus graniter in S. Job reprehendit, qui

VIII.

QVAM IVSTE
A DEO HIS SYA
CALAMITAS
EVERIT PER-
MISSA?

Matth. 7. 20.

Leonard Less
lib. 13 de per-
fectionib. dim
cap. 12.

IX.

NULLUS DEBET
SE INNOCEN-
TIA PUTARE